



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones Clementis XII. ab Anno I. usque ad IV.

**Luxemburgi, 1740**

XCIV. Confirmatio divisionis Provinciæ Baren. Ord. Fratrum Minorum S.  
Francisci de Observantia in duas, atque Erectionis novæ Provinciæ Licien.

---

[urn:nbn:de:hbz:466:1-74733](https://nbn-resolving.org/urn:nbn:de:hbz:466:1-74733)

Quibus omnibus & singulis, illorum tenores presentibus pro plene & sufficienter expressis ac de verbo ad verbum inferitis habentes, illis aliis in suo robore permanentibus, ad premissorum effectum hac vice dumtaxat specialiter & expresse derogamus, ceterisque contrariis quibuscumque.

Fides transumptis danda.

§. 4. Volumus autem, ut ipsarum presentium literarum transumptis seu exemplis, etiam impressis, manu alicujus Notarii publici subscriptis, & sigillo personae in ecclesiastica Dignitate constitutae munitis, eadem prorsus fides ubique locorum tam in iudicio quam extra illud habeatur, quae ipsis presentibus haberetur, si forent exhibitae vel ostensa.

Datum Romae apud S. Mariam Majorem sub Annulo Piscatoris die 12. Maji 1733. Pontificatus Nostri Anno Tertio.

F. Card. Oliverius.

XCIII.

Missionariis & Concionatoribus Ordinis Minorum Sancti Francisci, Capuccinorum nuncupat. indulgetur, ut Missionum & Concionum tempore Sacerdotibus tum Saecularibus tum Regularibus peccata possint confiteri in locis, in quibus Ordinis Confessarii minime reperiuntur.

Dat. die 16. Maji 1733. Pont. An. III.

CLEMENS PAPA XII.

Ad futuram rei memoriam.

Causae hujusmodi concessio- nis.

§. 1. Exponi Nobis nuper fecit dilectus filius Cherubini de Noves, Frater expresse professus, & Assistentis Generalis Galliae Ordinis Minorum Sancti Francisci, Capuccinorum nuncupatorum, quod ipse Fratribus Missionariis, Gallis, Sabaudis, Lotharingis, Scotis, Hibernis, & Anglis, sub Assistentia Generali hujusmodi comprehensis, qui in longinquis regionibus vineae Domini allaborant, necnon Sacris Concionatoribus dicti Ordinis, qui verbum Dei populo tempore praesertim Adventus, Quadragesimae, & intra octavas Festorum dierum annunciant in locis, ubi Religiosi Confessarii ejusdem Ordinis minime reperiuntur, peccata sua aliis Confessariis, legitime caeteroquin approbatis, confitendi potestatem fieri summopere desiderat; Nobis propterea humiliter supplicari fecit, ut in praemissis opportune providere, & ut infra indulgere de benignitate Apostolica dignaremur. Nos igitur ipsius Cherubini votis, quantum cum Domino possumus, favorabiliter annuere cupientes, eumque a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis, a jure vel ab homine quavis occasione vel causa latis, si quibus quomodolibet innodatus existit, ad effectum presentium tantum consequen. harum serie absolventes & absolutum fore censentes, hujusmodi supplicationibus inclinati, Fratribus Missionariis ac Concionatoribus praedictis, ab eorum Superioribus nunc & pro tempore deputatis, ut quibusvis Sacerdotibus tum Saecularibus tum aliorum Ordinum Regularibus, ab Ordinariis locorum, ac aliis legitime ad audiendas confessiones ejusmodi approbatis, in iis locis dumtaxat in quibus Confessarii Ordinis praedicti minime reperiuntur, sicut praemittitur, peccata sua confiteri libere & licite possint & valeant, quamcumque necessarium & opportunam facultatem ad decennium proximum tantum duraturam auctoritate Apostolica tenore presentium tribuimus & impertimur.

Concessio.

§. 2. Non obstantibus Constitutionibus & Ordinationibus Apostolicis, necnon dicti Ordinis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis, quoque, indultis, & literis Apostolicis, in contrarium praemissorum quomodolibet concessis, confirmatis, & innovatis. Quibus omnibus & singulis, illorum tenores presentibus pro plene & sufficienter expressis, ac de verbo ad verbum inferitis habentes, illis aliis in suo robore permanentibus, ad praemissorum effectum hac vice dumtaxat specialiter & expresse derogamus, ceterisque contrariis quibuscumque.

Datum Romae apud S. Mariam Majorem sub Annulo Piscatoris die 16. Maji 1733. Pontificatus Nostri Anno Tertio.

F. Card. Oliverius.

Confirmatur Divisio Provinciae Baren. Ordinis Fratrum Minorum Sancti Francisci de Observantia, in duas, atque Erectio novae Provinciae Licien.

Obstantium derogatio.

XCIV.

CLEMENS PAPA XII.

Ad perpetuam rei memoriam.

Dat. die 28. Maji 1733. Pont. An. III.

EX injuncto Nobis divinitus Apostolicae servitutis munere illa, quae a Superioribus Regularibus pro felici prosperoque Religiosorum Virorum regimine ac tranquillitate per novarum Provinciarum Institutionem provide facta & ordinata esse noscuntur, ut firma semper, atque inviolata persistant, Apostolici muniminis nostri praesidio, cum id a Nobis petitur, libenter constabimus.

Exordium.

§. 1. Exponi siquidem Nobis nuper fecit dilectus filius Josephus Maria ab Eborac Commissarius Generalis pro Cismontana Familia Ordinis Minorum Sancti Francisci, de Observantia nuncupat., quod cum Provincia Baren., quae Sancti Nicolai appellatur, ejusdem Ordinis, adeo ampla foret, ut ambitu ad quingenta, longitudine vero ad sexaginta circiter millia passuum pateret, & in duas Regiones Baren. scilicet 28. Conventus complegerentem, ac Licien. respectively nuncupatas duodecim Conventibus, ducentisque & ultra Fratribus constantem divideretur: Ipse Josephus Maria variis incommodis, quae ex amplitudine Provinciae, ac diversitate regionum hujusmodi oriebantur, decurandi, perpetuamque pacem inter Fratres utriusque regionis praefatae fovendi studio, re prius cum Visitatore Provinciae, necnon Diffinitoribus Generalibus Ordinis praedictorum communicata, vigore specialis facultatis sibi ad id a Nobis attributae supradictam Provinciam Baren. in duas divisit, atque ex memoratis duodecim Conventibus Regionis Licien. novam dicti Ordinis Provinciam Licien. nuncupandam cum omnibus privilegiis, praerogativis, & honoribus, quibus caeterae Provinciae ipsius Ordinis fruuntur, erexit: reservatis Provinciae Baren. antiqua denominatione, tum praerogativis, quibus eatenus gavisus fuerat, & aliis, prout uberius continetur in ejusdem Josephi Mariae patentibus literis desuper expeditis, tenoris, qui sequitur, videlicet:

Baren. Provinciae amplitudo.

Provinciae rum divisio a Commissario Gener. facta.

§. 2. Cum Sanctissimus Dominus Noster Dominus CLEMENS divina Providentia Papa XII. pro sua in Ordinem nostrum benevolentia, & in nos propensione voluntatis, munus Apostolici Commissarii in hac Familia Cismontana Nobis mandaverit, adeoque inter caetera idem arbitrium ac potestatem contulerit, quae penes Capitula & Congregationes Generales ipsius

Forma Literarum dicti Commissarii.

Ordinis

Ordinis summa est: nos hujusmodi potestate muniti, & in commune Familiae bonum excubantes animo, ut Provinciarum, quae nobis parent, quietem, otium, tranquillitatem ab omni molestia incolumem tueamur, omni ope contendimus. Cumque ad eam rem duo potissimum conferant, quorum alterum in usu Justitiae distributivae consistit, alterum in eo, ut qui Provinciis praefecti sunt, eas prompte ac celeriter obire, Cœnobis singula invisere, fratrum mores ac disciplinam cognoscere & confirmare possint. Nos propterea, quibus hæc curæ cordique sunt, ea ne in consuetudinem sensim abeant, cavere debemus. Sane Barensem nostram Provinciam Fratrum Minorum de Observantia, quæ Sancti Nicolai appellatur, ejusmodi incommodis laborare compertum est, ut in eadem longo temporis intervallo neque Justitia, quæ desiderabatur, distributiva servata sit, neque Ministri Provinciales eam commode obire potuerint, nec verò in præsentia possint. Ipsa siquidem cum latissime pateat, & tam ample per tractus terræ protrahatur, ut quingenta passuum millia circuitu, centum & sexaginta longitudine contineat; & insuper in Regione duas divisa sit, altera, quæ Barenis vocatur, habetque Cœnobis viginti & octo: Licienis altera, quæ Cœnobis constat omnino duodecim, & Fratribus ultra ducentum; proinde sit, ut Barensem & Liciensem nulla propemodum sit communio atque societas: Minister etenim Provincialis, ubi ex Barenibus assumitur, itineris longitudine prohibetur, hyeme præsertim, quominus, ubi necessitas postulet, ad Liciensem Cœnobis Fratresque visendos se conferat, id quod maximo detrimento Provinciae præfatæ consuevit esse; Cui malo utcumque occurrere Provincia ipsa cum vellet, jam pridem supra hominum memoriam instituit, ut Ministri Provincialis auctoritate Commissarius delegaretur, qui Cœnobis Licentium gubernaret, si ex Barenibus Minister esset: vel Barensem Regionem procuraret, ubi Licienfes haberent Ministrum; sed hæc ratione cum non satis utique provifum sit, sæpe enim Fratrum dissidia hujus rei causa, magnique motus extiterunt, negantium videlicet parere se velle Præfectis duobus, quorum alter Ministri, alter Commissarii appellatione rem communem administraret; nos propterea hujusmodi incommodis occurrere, perpetuamque pacem inter nationem utramque fovere volentes, communicato etiam consilio cum ejusdem Provinciae Visitatore & Patribus nostri Diffinitorii Generalis, secuti etiam exemplum Capituli Generalis Mediolanensis, quod iisdem de causis Lituanie Provinciam novissime instituit atque fundavit, in hanc sententiam adducti sumus. quam Sanctissimus Dominus Noster Clemens XII. dignatus est comprobare, ut Licienfis Regionis ac Territorii Cœnobis duodecim in novam Provinciam erigeremus, ut re ipsa per hæc literas Apostolicæ auctoritatis munere utentes erigimus & constituimus cum omnibus privilegiis, prærogativis, & honoribus, quibus aliæ Provinciae Ordinis nostri de jure vel consuetudine gaudere solent: reservato antiquæ Provinciae Sancti Nicolai præcedentiæ honore aliisque prærogativis, quibus ad hæc usque tempora ornata est; Mandantes Provinciali Ministro hujus novæ Provinciae, quam Liciensem appellari volumus, ut in sigilli majoris usum effigiem S. Patris Antonii Patavini, minoris vero Patris Orontii Liciensem Episcopi atque Parroni Imaginem adhibeat. Præcipimus etiam omnibus & singulis Fratribus tam Licienfis quam Barenis Provinciarum in virtute Sanctæ Obedientiæ, ac sub pœna excommunicationis ipso facto incurrendæ, ut istiusmodi divisionem, novæ Provin-

ciæ fundationem approbent, ratamque habeant; obnunciantes præterea, nos tanquam in rebellem ac pertinacem pœnarum severitate animadvertendos, si quis nostræ huic voluntati atque sanctioni quovis modo intercesserit.

Datum Romæ ex Ara-Cœlidie 28. Februarii 1733.  
Loco + Sigilli.

Fr. Josephus Maria ab Eborâ Commissarius Generalis Ordinarius & Apostolicus.

De Mandato P. S. Reverendissimæ Fr. Vincentius Antonius de Capla Secretarius Generalis.

§. 3. Cum autem, sicut eadem expositio subjungebat, dictus Josephus Maria, præmissa, quò firmiter subsistat ac serventur exactius, Apostolicæ confirmationis nostræ patrocínio communiri summopere desideret; Nos eundem Josephum Mariam specialibus favoribus & gratiis prosequi volentes, & a quibusvis excommunicationis, suspensionis, & interdicti, aliisque ecclesiasticis sententiis, censuris, & pœnis, a jure vel ab homine quavis occasione vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinatis, divisionem Provinciae Baren. in duas, atque erectionem novæ Provinciae Licien. ab eodem Josepho Maria factas, sicut præmittitur, expeditaque desuper patentes ejus literas præinsertas cum omnibus in eis contentis auctoritate Apostolica tenore præsentium confirmamus & approbamus, illisque perpetuæ ac inviolabilis Apostolicæ firmitatis robur adjicimus; necnon omnes & singulos juris & facti defectus, si qui in præmissis quomodolibet intervenerunt, supplemus.

§. 4. Decernentes, easdem præsentibus literas, semper firmas, validas & efficaces existere & fore, suosque plenarios & integros effectus fortiri & obtinere; ac illis, ad quos spectat, & pro tempore quodcumque spectabit, in omnibus & per omnia plenissime suffragari, & ab eis respectivè inviolabiliter observari; Sicque in præmissis per quoscumque Judices ordinarios & delegatos, etiam Causarum Palatii Apostolici Auditores, judicari & diffiniri debere; ac irritum & inane, quidquid secus super his a quoquam quavis auctoritate scienter vel ignoranter contigerit attentari.

§. 5. Non obstantibus Constitutionibus & Ordinationibus Apostolicis, necnon Ordinibus, Provinciæ, & Conventuum prædictorum, aliisque quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis & innovatis.

§. 6. Quibus omnibus & singulis, illorum tenores præsentibus pro plene & sufficienter expressis, ac de verbo ad verbum insertis habentes, illis aliàs in suo robore permansuris, ad præmissorum effectum hac vice dumtaxat specialiter & expresse derogamus, cæterisque contrariis quibuscumque.

Datum Romæ apud Sanctam Mariam Majorem sub Annulo Piscatoris die 28. Maji 1733. Pontificatus Nostri Anno Tertio.

F. Card. Oliverius.

Statutum circa Officia Generalia Ordinis Fratrum Minorum Sancti Francisci de Observantia, ut nulla impostero necessaria sit temporis vacatio in ascensu ab inferiori ad superiorem Gradum; in decursu vero a superiori ad inferiorem, vel transitu ad æqualem, vacatio requi-

Confirmatur  
dicta Divisio.

Clausulæ.

XCV.

ratur per tempus duorum Capitulorum Generalium, sive duodecim annorum.

Dat. die 26. Maji 1733. Pont. An. III.

CLEMENS PAPA XII.

Ad futuram rei memoriam.

Causa eden-  
de hujus  
Constitutio-  
nis.

§. 1. **E**Xponi Nobis nuper fecit dilectus filius Minister Generalis Ordinis Fratrum Minorum Sancti Francisci de Observantia nuncupatorum, quod in ultimo Capitulo Generali ejusdem Ordinis, Mediolani celebrato, inter alia totius Ordinis præfati consensu decretum fuit, Sanctæ Sedi supplicandum fore pro moderatione vacationis, quæ juxta Constitutiones Apostolicas intercedere deberet a minoribus ad majora Officia generalia dicti Ordinis assequenda.

Quod nulla  
requiratur  
vacatio nisi  
in ascen-  
su.

Requiratur  
vero in de-  
scen-  
su.

§. 2. Quare ipse Minister Generalis, hujusmodi Decreto inherens, opportune in præmissis a Nobis provideri, & ut infra, indulgeri summopere desiderat. Nos eundem Ministrum Generalem specialibus favoribus & gratiis profecti volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis, a jure vel ab homine quavis occasione vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, auditoque prius voto Congregationis Generalis Ordinis prædicti; quod in posterum in Gradibus sive Officiis Generalibus ejusdem Ordinis nulla temporis vacatio requiratur, & attendi debeat in ascensu ab inferiori ad superiorem gradum: in descensu vero a superiori ad inferiorem, vel transitu ad æqualem gradum, duplex vacatio, idest per tempus duorum Capitulorum generalium, sive duodecim annorum intercedere debeat, auctoritate Apostolica tenore præsentium statuimus & declaramus.

Clausula.

§. 3. Decernentes, præsentibus literas firmas, validas, & efficaces existere & fore, suosque plenarios & integros effectus sortiri & obtinere; ac ab illis, ad quos spectat, & pro tempore quodcumque spectabit, in omnibus & per omnia plenissime & inviolabiliter observari; sicque in præmissis per quoscumque Judices ordinarios & delegatos, etiam Caesarum Palatii Apostolici Auditores, judicari & definiri debere; ac irritum & inane, si secus super his a quoquam quavis auctoritate scienter vel ignoranter contigerit attentari.

§. 4. Non obstantibus Constitutionibus & Ordinationibus Apostolicis; necnon, quatenus opus sit, Ordinis prædicti, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, in contrarium præmissorum quomodolibet concessis, confirmatis, approbatis, & innovatis.

§. 5. Quibus omnibus & singulis, illorum tenores præsentibus pro plene & sufficienter expressis & insertis habentes, illis aliis in suo robore permanfuris, ad præmissorum effectum hac vice dumtaxat specialiter & expresse derogamus, cæterisque contrariis quibuscumque.

Datum Romæ apud Sanctam Mariam Majorem sub Annulo Piscatoris die 29. Maji 1733. Pontificatus Nostri Anno Tertio.

F. Card. Oliverius.

Indulgentia Plenaria perpetua pro Visitantibus Ecclesias Monachorum & Monialium, tam hactenus erectas, quam imposterum quodcumque erigendas, Congregationis Sancti Benedicti, in Festo Sancti Silvestri Abbatis dictæ Congregationis Institutoris.

XCVI.

CLEMENS PAPA XII.

Ad perpetuam rei memoriam.

Dat. die 9. Junii 1733. Pont. An. III.

**C**oelestium munerum thesauros, quorum dispensationem fidei nostræ credit divina dignatio, libenter erogamus, cum ad fovendam, excitandamque fidelium devotionem salubriter expedire in Domino arbitramur.

Exordium.

§. 1. Supplicationibus itaque dilecti filii Benedicti Biancini, Procuratoris Generalis Monachorum Ordinis S. Benedicti Congregationis Silvestrinorum nuncupatorum, nomine Nobis super hoc humiliter porrectis, inclinati, omnibus & singulis utriusque sexus Christianidelibus vere penitentibus & confessis, ac Sacra Communione refectis, qui aliquam ex Ecclesiis Monasteriorum tam Monachorum quam Monialium ejusdem Congregationis tam hactenus erectorum, quam imposterum quodcumque erigendorum, & ubique locorum existentium, die Festo Sancti Silvestri Abbatis, dictæ Congregationis Institutoris, a primis vespers usque ad occasum Solis diei hujusmodi singulis annis devote visitaverint, & ibi pro Christianorum Principum concordia, hæresum extirpatione, ac Sanctæ Mariæ Ecclesiæ exaltatione pias ad Deum preces effuderint, plenariam omnium peccatorum suorum Indulgentiam & remissionem misericorditer in Domino concedimus; Præsentibus perpetuis futuris temporibus validis.

Indulgentia  
de qua in Ru-  
brica.

§. 2. Volumus autem, ut earumdem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica Dignitate constitutæ munitis, eadem prorsus fides adhibeatur, quæ adhiberetur ipsis præsentibus, si forent exhibitæ vel ostensæ.

Fides Tran-  
sumptorum.

Datum Romæ apud Sanctam Mariam Majorem sub Annulo Piscatoris die 9. Junii 1733. Pontificatus Nostri Anno Tertio.

F. Card. Oliverius.

Confirmatio Sententiæ Ministri Generalis Ordinis Fratrum Minorum Sancti Francisci de Observantia circa dubia quoad numerum Vocalium Diffinitorii Provinciæ Lugdunen. Congregationis Gallicanæ Fratrum Tertii Ordinis Sancti Francisci de Penitentia: cum reintegracione ejusdem Diffinitorii ad numerum septem Vocalium, aliisque ordinationibus pro faciendâ subrogacione aliorum Religiosorum in eventu, quo deficiat aliquis ex septem Vocalibus hujusmodi.

XCVII.

CLEMENS PAPA XII.

Ad futuram rei memoriam.

Dat. die 22. Junii 1733. Pont. An. III.

§. 1. **E**Xponi Nobis nuper fecit dilectus filius Vincentius Delphinus Minister Provincialis Provinciæ Lugdunen. Congregationis Gallicanæ Fratrum Tertii Ordinis Sancti Francisci de Penitentia nuncupatorum, quod intra tempus

Ministri Pro-  
vincialis  
Lugdunen.  
peticio; cum  
rei expositio-  
ne.

efflu-